

豐縣志

序文 姓氏 縣圖 例言 目錄  
卷首 上論 卷一 封域類

光緒二十年續修

豐  
縣  
志  
序

甲午豐縣志序



豐之志昉於有明邑令裴君爵  
倡其始尹君梓孔君道源踵其成  
然時閱曠代其詳不可考矣

國朝定鼎而官斯土者太原閻崑  
浦興舉於兵火之餘普安盧綱齊  
蒐羅於承平之後宏綱細目次第

豐縣志

甲午志序

一

精詳飾簡芟繁指標體要  
志之修斯稱大備嗣是道光初  
金陵王廣文思元有續修之舉  
然不過取舊梓之殘缺濫漫略加  
補輯全書事例則仍閻君盧君  
之舊遂而泝之查志之不續蓋  
百餘年矣光緒乙酉 杰 奉檄攝

魯豢甫下車即欲得邑乘漢之  
真悉其土風民情封域政治及夫  
漢末盛衰之受利害之端興革之  
宜用佐杰之不敏乃訪之邑人士即  
素稱藏書家故本多不可得求  
其板寸牀無存蓋豢自嘉慶紀  
元以來迄咸豐之初兩遭河患而

咸豐之甲寅戊午則身匿院匿  
接踵北來縣城被蹂躪者四邑  
志之故本籍免與夫存板悉付  
灰燼北蓋死一日之故而非心竹  
書莫識石鼓不備已也數月後得  
完書展閱之餘益惕然為豢慮以  
一是文獻之微僅恃此數帙故紙之

幸存幾何不瞬就漸滅杰無學  
不敢輕議文翰而廣文何君澧塘  
績學士也急商之澧塘慨諾因與  
約日廣延邑知名士議更修多士  
至果同考覈乃端緒甫引旋以  
期滿奉調赴省垣事遂止歲癸巳  
復承乏視豐入其境夙志惓然詢

何君則請假歸矣而無錫陶君雲  
組秉壺鐸語及當務語以贊  
官邑志書院諸大端請從事杰  
聞之躍然曰豐宮書院工鉅費繁  
姑徐計而邑志則杰八年前有願  
未償者也急邀諸同志申前議  
定擇吉就書院設局採訪編輯

警校繕寫既分司其事而薪水  
之資剗剗之費復得合邑紳耆  
各輸貲以共襄義舉凡八閱  
月脫稿而杰適以瓜代期迫每  
行裝不獲與諸君子同觀厥成爰  
亟付手民俾終斯役昔盧仝齊  
重修告竣自謂事雖為因用力

寔等於創杰不佞不敢附驥此說  
而百餘年感衰之受利害之端  
真革之宜隨事可稽不致竟湮  
於灰燼則是編也雖未敢擬晉春  
秋之別存聊以當新唐書之  
廢稿他日博雅君子徵文考獻藉  
以潤色鴻業登之輜軒或亦諏詢

之一助云

光緒歲次甲午陽月上浣之吉

麟川姚鴻杰序



重修豐縣志序

史記豐邑故梁徙也文穎註梁惠王孫假爲秦所滅轉徙于豐蓋戰國屬梁而未著也自赤帝子生於豐之中陽里及都長安號爲新豐而以所生豐爲舊豐于是豐之名始大著邑舊有志闔令公昭重輯之後至今已百年剝蝕殆半僅有存者及今不修更數十百載其爲湮沒何可勝道况我

朝

聖聖相承屢懷民瘼 湛恩汪濊浹髓淪肌苟紀載之闕如是亦司土者之責也遂于己卯春奮然舉事凡八閱月而告竣首列

豐縣志

卷

盧序

一

恩綸次及邑事典故則博稽諸載籍事蹟則延訪于鄉老非見聞之真者不敢錄其以私干者不敢徇若山川形勝風俗戶口人物藝文之類有昔所略而今詳者有昔所未有而今增入者昌愧不文缺略紕繆知所不免倘惠邀邑之博物君子取而更定之庶幾步闔令之後塵存什一于千百爾俾後之過是邑者知漢高之梓里依然攷古稽今其幸猶淺惟冀披其卷而帝典王謨燦如日月是則昌之志也夫若云豐邑由我而著而且以文事飾吏治僭竊自附于述作之後則昌

滋愧矣 峕

乾隆二十四年中秋月

賜進士出身文林郎知豐縣事

牂牁盧世昌撰



豐縣志

卷

盧序

二

重修豐縣志序

自古徵文攷獻恒先邑乘而後由郡及省以昭同風之盛誠以志近於史實與王政相表裏不以蕞爾可忽也豐古徐州隸自漢高起于沛混一天下豐爲湯沐地殷阜甲他邑枌榆有社朱陳有村風俗之醇詳於紀載我

朝列

聖相承重熙累洽厚澤深仁淪浹海宇而大河南北霑被尤渥豐治瀆河形勢窪下偶逢水潦河漲易衝時屢宸衷之咨傲歲

命大吏相度堤工發帑修築而又疊沛

豐縣志

卷

常序

一

恩膏時行蠲賑其所以扶植而噢咻之者至詳且盡以故豐民得休養生娶安堵無虞殷阜不殊於昔也黔南盧君世昌以名進士來宰茲邑政修人和之暇皇然有念於邑志之散逸自闔令修後已逾百年剝蝕殆半苟闕而不修湮歿曷可勝歎爰延攬文士博訪廣蒐重加讐校缺者補之蕪者節之訛者正之紛雜無章者次第之發凡起例綱舉目張敬述

上諭凡所以軫卹民艱敷施至治者冠諸簡端亦猶書首二典詩先二南之義云爾至若山川繡錯口增除財賦盈縮與夫人物之忠孝節義詞章之傳記詩犁然具舉足資勸懲以備掌故孰謂蕞爾豐邑而政

典教化不共沐同風之盛哉戊寅夏余奉

簡命旬宣江左道過彭城得覽山川之勝概民物之殷繁  
乃嘆豐沛間佳氣鬱葱誠有如古所云者苟得賢明  
悃悞之吏拊循而教誨之上以承

國家鄧隆之治下以觀井里風俗之成俾志乘增光而  
政績益茂是余所深望于宰斯土者也爰爲之序  
欽命江蘇承宣布政使司布政使兼世管佐領軍功加三  
級紀錄三次又加二級隨帶紀錄八次常亮撰



豐縣志

卷

常序

二

重刊豐縣志序

莫爲之前雖美弗彰莫爲之後雖盛弗傳蓋非獨豐  
功佈烈之賴有傳人卽一代典章文物苟無有守而  
存之者必至愈久而愈無徵况殊缺散佚漸至湮沒  
如今之豐志乎豐之有志由來舊矣前此姑勿論自  
順治十三年縣令閻君 修閱乾隆己卯盧公世昌  
虞其剝蝕久而難稽復重輯之蓋雖百年携板猶藏  
故府因其舊而補其新猶易易也迄今又七十年矣  
歲壬午余蒞茲土竊惟知一邑者必知一邑之因革  
沿流與夫山川之繡錯人物之代興財貨之盈縮徵  
文考獻因地制宜本此以爲治而紀載莫備於志亟

豐縣志

德序

一

考其書已無全帙索其版半就零落蓋自嘉慶丙辰  
黃水泛溢飄蕩之餘遂無完版二十餘年無有繼而  
存之者矣夫豐爲漢高故里其臣蕭相入關他務未  
遑先收秦圖書版籍爲有天下之本彼於勝國之餘  
燼猶急急惟恐失墜况我

朝文治光昭金匱石室之藏燦然大備顧以一邑之志任  
其缺遺而漠不經意其何以仰副

聖天子稽古崇文之盛心乎用是不遺餘力蒐羅散失詳  
加編次俾前人之幾經採訪幾經筆削者一旦復爲  
全書顧非版而存之閱數年而又遺失將余今日之  
恐前美弗彰者後且真至有盛弗傳矣况自盧志迄

今六七十年一邑之損益廢興缺焉未載循是而斟酌增補亦如盧之因閻纂而輯之尤余之志而尙未有逮也顧以商諸我邑博物君子

道光三年歲次癸未仲夏月

特授徐州府豐縣知縣文林郎長白德 豐撰



豐縣志

德序

二

續修豐縣志序

豐縣志志豐也昔漢高帝提三尺劍擊項誅秦削平海宇起自豐沛間則四百年王氣實發祥於茲豐因得以有志矣自盧公世昌重纂後迄今七十餘年未加修輯遂使人民風俗宦績節烈書缺軼有間不佞代庖斯土秉鐸餘閒急欲舉事每苦闕於見聞幸其地一二同心相與研精旁搜首以封域營建次以良吏名人又次以孝友節烈靡不備載凡六閱月而始告成至剞劂之工版圖之費則元一人獨任焉其或尚有遺誤惟俟後之君子繼此從事以志豐於不朽云 峕

豐縣志

德序

十一

道光九年仲夏月上浣之吉

署豐縣教諭金陵王恩元譔

豐縣志舊序

明尹梓縣令

夫列國各有史郡縣各有志用以彰往法來備觀省昭勸戒耳昔紫陽朱夫子出守南康下車卽詢郡志說者謂其知治體豐當鄒魯之中土沃風醇異人間出卓然爲畿南名邑在昔炎漢興運垂諸簡冊昭諸文獻非無志也顧世代屢易典籍廢湮先是邑令古愚裴公蒞任數年政簡刑清乃於公餘欲纂修古志以喬遷不果歲戊辰予奉命來尹入邑卽詢縣志庠生周如金以裴公所存稿示余噫裴公往矣遺意存焉卽裴公猶在也因丘陵以爲高欲修豐志舍裴公之志奚以乎維時學博李君星夏君時學古文優卜吉拜懇復請邑庠如崔子動劉子存義曹子可教渠

豐縣志

舊序

一

子有瀾劉子光久等相與研精旁搜首以圖考終以藝文上而天文下而形勢大而紀綱風俗小而交際物產幽而神祇陵墓明而官師人物戶口之增減錢穀之登耗宏綱巨目燦乎畢備其視裴公之遺後先其同符矣編成予遂述其大概而爲之序時隆慶己巳七月旣望

明萬崇德彭城御史

豐縣故有志然未備也重修自孔侯始侯蒞豐三載政通人和百廢具興於是豐志成走使之京師丐余一言弁其端余惟豐故漢高祖湯沐地當漢高提三尺劍蹙項誅秦平一天下而其始自豐沛起則豐故王氣鬱葱爲古帝肇基及天下旣定蕭何治未央宮稱極壯麗而太公顧猶時

時思豐之風土高帝乃令匠胡寬營之於咸陽宮廷廬署街曲悉肖厥故雖驅雞鶩於途亦競識其處號曰新豐則豐當時之殷阜隆盛在洛陽曲逆上何疑也說者謂漢高復豐故豐之殷阜隆盛絕一時然太公思豐在未復豐前何豐當天下虎鬪鯨吞獨能自完茂若是也世變俗易千八百年來豐之風景日益蕭條求當時影響不可得已明興高皇帝龍飛應運開九域之蒙晦諸熊羆雲翔發跡之地皆與豐隣湯沐賦徭輕於他郡什百而流轉更甚意王氣發射之盡耶抑未有良牧吏嫗撫之至此也吾聞豐自孔侯至止其民欣育流離者悉返寧字而侯之所慕尙者乃在此不在彼今天下康寧無邑不有志而豐志獨未備

## 豐縣志

舊序

二

焉至使沿革建置人民風俗及宦績人物書缺軼有間後代無所復聞非孔侯儒雅藻治其孰能與於斯哉賈誼云移風易俗使天下迴心而嚮道類非俗吏簿書期會者所幾惟孔侯之志其於移風易俗殆幾之矣余故不辭而序之以告夫世吏之專事簿書期會者時萬歷壬子仲冬望日之吉

清  
馮如京 古晉

徐之豐邑令閻君岷浦治豐凡十年政理民和修其邑志成介一函問序於馮子馮子按志而讀之喟而作曰志難言哉志難言哉志者統三才而備之徵文考獻稽古覈今匪才莫辨匪信莫傳夫志猶史也昔人謂作史有三難曰

才曰識曰膽余亦謂作志有三觀曰學曰政曰世而要之非道無歸也何謂學夫志綜古今核名實攷往徵來網羅靡漏自微才包六合胸富五車則未易幾也故曰可以觀學學優矣而措之於事者未必迎風而刃解方叢脞之足虞安敷文之有暇故曰可以觀政學優矣政成矣於是得以按版籍考輿圖上下古今考驗興廢若戶口之登耗賦役之省繁財力之盈縮人才之消長民俗之醅澆與夫良吏名人忠義孝友高行隱逸儒林文苑靡不備載傍及列女方伎不可吐棄者燦若列眉讀之可以觀世焉三觀具而後學以敷政政以迪教教以彰志民情可洽善行可興故曰要之以道也惟道而政政乃醇政而學學乃實學而

## 豐縣志

舊序

三

教教乃深教而志則志乃信而可傳也志顧可以易言乎哉閭君之於學博矣政理矣故其於志恢恢乎其有餘地矣昔者先王一道德以同風俗蓋此物此志也今 聖明在宥隆文教於上方開金匱石室之藏纂輯史書君以幼學赴其壯行於以籍輜軒而獻之 當宁異日者宣室前席問賦役均乎則戶口足稽也問民情洽乎則風俗可鏡也問獄訟平乎則嘉石肺石無冤也問學校興乎則庠序飭而士彬彬也問若當舉若當廢乎則曰先其大者重者餘可按而置也於戲閭君可謂知道之士矣不然者何嫻於文而覈於理若是其班班耶余按路史豐固侯爵也周文王作邑治南國豐在長安縣之靈臺鄉然則彼秦之豐

非沛之豐也雖然沛之豐爲漢高帝發祥之地毓靈孕秀何不足比隆豐鎬乎且邑有朱陳村白香山詩云徐州古豐縣有材曰朱陳一村惟兩姓世世爲婚姻則豐之爲豐景象可知矣况得君而久道化成安知今之豐非昔之豐也耶余讀志至此又不覺神遊三代之盛矣於是樂而爲之序時順治丙申中秋後三日

李浴曰

域中有三大權曰天曰君曰史而郡志邑乘則所以備一代文獻以待輶軒之採者也古者太史陳詩以觀民風雖稗官野紀皆得登之石渠用佐蘭臺筆札而邑之志可知矣顧風俗盛衰政治得失或數年而一變或數十年而一

## 豐縣志

舊序

四

變有禹貢所不能詳而周禮所不及盡者苟非閱覽博物之流踵事增華則典文散失後之人何所考證乎徐自古稱名勝地而豐實隸之夫豐固漢高湯沐邑其地多挺生異人余家世東魯接壤隣封每登泰山而望榆社之遺逐黃流而弔歌風之烈未嘗不慷慨激發意氣豪壯及攷其軼事往往正史所未悉者而紀乘備之是邑志之所關詎不重哉丙申秋余奉 命備兵淮徐入境時過豐因得漢高帝里居及從龍諸子故跡而令尹閻君珫適持豐志以獻問序於余余惟省方問俗觀察之責也敘典陳書有司之事也昔蕭何至咸陽先收秦圖書藏之因知天下扼塞戶口多少使爲長吏者簿書鞅掌典章殘落問之以山川

不知詢之以風物莫對烏所稱良牧宰乎據豐志之成也  
一修於尹君梓再修於孔君道源自道源而後能使舊蹟  
不湮新型不墜者則惟閻君力也余披閱其書詳而有體  
簡而能該不愧一代著作余故覽其山川形勝風俗之變  
遷可得而知也攷其官秩財賦人民之盈縮可得而悉也  
觀神祇災異之文則知天道之不可不畏稽科名宦業之  
實則知人道之不可不修以及賢豪節孝之篇誦記碑銘  
之什洵可謂人倫之淵藪藝苑之笙簧矣漢司馬遷遊徧  
天下名山大川歸而作史記易編年爲紀事千古稱良史  
才班固作地理志後世因之閻君不越一邑而俾千百年  
事瞭如指掌視子長孟堅豈有慝焉今

## 豐縣志

舊序

五

天子崇文重道名儒臣纂修實錄而邑吏固博學好古如  
此余他日藉手以報

聖明者斯志其嚆矢也豐其永垂不朽哉是爲序時順治  
丙申中秋之吉

賈壯汜南

按周禮外史氏掌記邦國都鄙之事卽子男附庸凡大事  
策書小事簡牘罔不上之王都天子十二載一巡狩太史  
復採風問俗辨其貞淫而黜陟勸懲之典行焉秦漢以來  
析封建爲郡縣亦歲記其實納之公車門蘭臺令史司之  
以備一代紀錄郡志邑乘之關係不亦鉅哉今

天子稽古右文海內蒸蒸向化司土良牧宰各網羅放失

以俟輶軒之采余司庾駐彭門豐令崐浦閻余同年友也  
以豐志示余兼屬一言以首余淺陋安敢序諸竊惟豐乃  
漢高皇湯沐故邑名世英雄指不勝屈榆社新豐古史曲  
譜朱陳醇朴文人咏歌誠宇內巖邑也近經兵革驛騷恐  
堙滅荒落搜補爲艱而崐浦竟以久道化成之後與諸桃  
李考獻徵文凡山川繡錯人物代興財賦盈縮因革變遷  
與夫宦業忠廉貞夫義婦之節傳記詩銘之詞犁然具備  
余讀之覺質而不俚華而不蕪班氏記繁志寡之譏可謂  
無之真良史之材也異日

朝廷倘效宋慶歷間開天章給筆札令司馬溫公纂通鑑  
故事雲集天下志乘詰匠總裁以昭一代車書之盛此志

## 豐縣志

舊序

六

必爲鄧林杞梓崐浦其以我爲知言哉時順治十有三年  
歲在丙申夷則月之吉

魏裔魯

豐於徐巖邑也漢皇帝提三尺劍起布衣削平海宇迨夫  
定鼎函秦過故宮而慷慨猶欲圖其里居置之左輔號稱  
新豐以此想見當年之盛弗可尙已豐固有志蓋統於郡  
與州而分出之者也閻令君由高第出宰百里慨然念往  
籍易湮而思有以振之噫世遠代更流風衰謝 有間  
莫由振起吏於茲土者又各以其簿書期會之不暇攷古  
與文非其切務後先踵襲視爲故卷魯魚亥豕賢者不免  
顧欲使邑之人扶杖往觀指畫舊里之農桑且不可得又

遑論其他乎是集也探諸故實佐以傳聞搜所遺亡新之鉛槧前此蓋鳩度以請凡閱歲而底厥成噫雖一編之書哉而以裨於治亦可謂識所要矣閻君以博通瞻敏之才又徵引諸文學之士相與訂訛正謬詮次異同良工心苦觀者能辨乃屬余一言以爲之敘謂余職司民版義列冬官卒瘁之暇不廢修行且若雅志於古者是不可以無敘余不文事非所任何容贅簡雖然抑又聞之君子之有事於一方也則必使其風土人情瞭如指掌過帝邱而陳往事稱揖讓以志山川崔廣略之寬猛異宜謝玄暉之遊歷殆遍方隅所記君子未嘗不留意焉我 國家稽古敷文左史秉筆蘭臺中壘校書天祿將四時遣輜軒之使分行

## 豐縣志

舊序

七

郡國采紀風謠以成一代鉅典則余與閻君之有攸賴也若夫踵舊文修故事以云觀美是蓋不覩於咨度之旨而爲勤求者所竊歎也於是一言弁諸首時順治丙申歲仲夏之吉

余志明

徐州牧

徐列九州肇自有夏其所統則代不相沿如東省之滕嶧本省之邳宿固嘗隸於徐者今則豐蕭沛碭如故也不佞視徐七載豐邑閻令同事有年矣徐志垂成二載而豐志乃告成夫豐志不已見於徐志哉曷豐之復爲之也徐志六十餘年未加修葺不佞當從事時甚苦闕於見聞幸其地一二同心廣搜博訪爰告成事而四邑之耆宿髦俊未

有贊焉豐邑有考所以續志之闕者也今亦三十餘年按考未按志使徐之志豐者咄咄於攷而不獲覩其全也不將缺望也乎閻令之所以必觀厥成也以豐人言豐愈於徐人之言豐也以豐之今人言豐愈於其前人之言豐也何也時爲之也陵谷變矣文獻微矣豐之可知者山有東華人有漢主其一時附風雲者蕭相鄂侯而外指不勝屈後世代有英竒代爲標指非能如東華漢主盡人而知之也以徐人搜豐軼事庸易乎故徐之志豐者略而豐爲詳也徐之志三邑者皆略而豐爲先得其詳也豐之有光於徐不亦大且遠哉閻令之計長矣其力瘁矣非能於閻令知之卽於志徐者知之也雖然閻令才高學富政治澤流原不以一乘見而今猶徘徊一邑又豈豐人之所致望於令與不佞之所致羨於令者乎將見輶軒之採以備石渠虎觀之選於茲編卜之矣時順治丙申六月旣望

閻 珫 縣令

郡邑有志猶國有史也括三才而立言歷千禩以成秩輶軒可採運會彰焉文獻足徵政教繫焉烏可略也豐邑自明萬歷孔令公道源修輯後迄今四十餘年竟成絕筆無論新蹟未入并舊梓亦散失不可得余初蒞豐卽銳欲增補纂修仰接前編而俯開來者徒以 鼎革之初百務肇興邑人士甫出湯火而大兵大差絡繹繁至豐成孔道兼以東賊西寇交訌肘腋軍機旁午爲之令者風塵牛馬日

## 豐縣志

舊序

八

與孤城子遺僕僕支吾如不暇給奚啻禮樂未遑實亦我躬不閱耳拮据迨今茲凡八九載時事差甯息異往時余夙志孜孜復移文本庠師生商修志事而學博江君乃推張劉王李諸子爲可勝厥任也劉子湘集選舉宦績張子型張子基建置災祥王子樾集祀典李子澳集秩官田賦而裁成於張子逢宸自順治甲午起迄丙申止凡閱歲而告成至其剞劂之工版籍之序周旋速竣又有劉史袁諸子出而共襄厥務噫嘻此殆非一手一足之烈矣然要之討論修飾克始克終則張子逢宸之功爲最也上下四五十年間政事之因革損益品彙之盛衰消長時地之亨屯流峙雖不于此盡悉而合以前數千百年所記可稱完

## 豐縣志

舊序

九

璧所謂縉紳先生能言之而里巷長老有口碑者蓋亦幾乎無剩義矣重念余鞅掌簿書之餘孜孜厥務詎著述之業續貂前人爲之踵事而增華哉亦曰志因豐以得名豐得志而傳是不但此也讀建置輿地諸帙而悠然深體國經野之思讀秩官宦績諸帙而穆然懷思齊內省之感祈天永命其訂謨也讀祀典災祥諸帙而惕然齋祓其神明理財用人其遠猷也讀貢賦選舉諸帙而曠然恪恭于象魏若乃採倫類之風烈而微顯闡幽擷理性之英華而章志貞教人文固歷歷可紀也不惟其人惟其賢不惟其藝惟其道而已矣予之孜孜是集而諸子能相與有成也豈偶然哉君子觀之或不以一隅之載籍而謂爲無足重

續修豐縣志姓氏

纂修

知豐縣事

姚 鴻 杰

協修

舉人

李 運 昌

參訂

恩貢生

史 鴻 儀

廩貢生

卜 鳴 山

廩生

王 藻

廩生

李 蔭 苓

拔貢生

王 明 揚

豐縣志

卷

姓氏

廩生

劉 德 峻

廩生

渠 運 增

採訪

歲貢生

方 俊 升

廩貢生

劉 伯 昭

廩生

顏 承 緒

廩生

崔 榮 甲

廩生

渠 運 可

廩生

包 仁 輔

附生

孫 霖 浦

例貢生

傅 麟 閣

恩貢生

渠金鼎

校對

廩生

卜斯華

附生

顏丕承

附生

侯玉階

繕寫

附生

王學純

附生

周文煥

附生

王文炳

附生

胡鳳儀

豐縣志

卷

姓氏

二

# 豐縣圖攷

豐縣志


圖一

豐邑水利全圖







豐縣志




圖二




縣治圖



文廟圖





豐縣志

圖五

重續例言

一志乘之首恭紀

聖恩非惟明休養所自統一尊也惟

國家軫念元元有加無已若逐事備錄不惟簡帙繁重而咸豐甲寅以前官府案牘無存查對正復不易謹依舊志所紀尊崇之義已備茲不復增

一營建分類後有增設即可依類附入惟自咸豐以來四鄉創立圩寨合境大局一變無類可從故於總目下附添圩寨一條而詳其時地

一婦女節孝果年例與 功令相符無論已旌未旌均得編入若烈婦烈女事證明確即不論年例

豐縣志

卷

例言

一

一舊志藝文類下有紀事附目夫紀事必有關係綴之藝文之未似嫌輕易因提出別爲一類而取其於歷朝之治亂成敗襍入災祥者檢集序列直接 本朝度體例不嫌紛襍閱者易於醒目

一舊志之未列襍綴一類其附目又有叢紀夫作志而言襍命名似欠諦當且與叢紀之義無甚分別因刪之而以災祥叢紀附之紀事之下庶文以義從仍不失前志十二類舊觀

一自粵逆皖逆倡亂草澤中以武功崛起者各邑不乏雖其人尚存而身已退老功績卓著人物中間登一二亦善善從長軍賞貴速之義

一舊板銷燬已久所得數木魯魚亥豕層見疊出文義亦  
間有欠明者不揣謏陋爲更易復再三校對不敢草  
率從事然疏誤仍恐不免毫髮無憾是所望於博雅君  
子

豐縣志總目

卷首

恭紀

聖恩

卷之一

封域類

沿革

附 星野

形勝

里甲

附 舖舍

風俗

山河

溝澤池  
橋附

庄垆

村集

物產

卷之二

營建類

城池

公署

倉儲郵  
政附

圩砦

坊表

豐縣志

總目

一

亭臺

附封建

卷之三

職官類上

官制

題名

卷之四

職官類下

宦蹟

卷之五

賦役類

田賦

戶口

糧額

課稅

徭役

附免料始末

卷之六

學校類

學制

卷之七

選舉類

科目

卷之八

人物類上

列傳上

卷之九

人物類上

豐縣志

列傳中  
列傳下

卷之十  
下上

人物類中

列女

卷十一

人物類下

流寓  
仙釋  
技術

卷十二

藝文類

奏疏  
記序  
銘

頌贊  
傳墓  
碑

文 志

卷之十三

藝文類下

詩 賦 書籍

卷之十四

祠祀類

壇 廟 祠

卷十五

古蹟類

名勝 陵墓 附寺觀

卷十六

豐縣志



總目

三

紀事類

災祥 叢紀

豐縣志卷之首

江南徐州府豐縣知縣臣盧世昌

恭紀

雍正八年八月初九日內閣鈔出奉

上諭向來蠲免額徵漕糧不在所蠲之內朕思京通各倉米粟年來悉心經理已有餘積又有直隸營田所產稻米可以採買貯倉是京通倉儲有日增之勢今年山東地方被水稍重而直隸江南河南三省亦聞有被水之州縣夫地方既已歉收則漕粟輸將未免竭蹶著將山東被水州縣之漕糧全行蠲免直隸江南河南被水州縣之漕糧按成

豐縣志

卷首

灾之分數蠲免其山東未被水州縣應完之漕糧不必運送京師卽留於東省以充兵餉如此則各該地方皆有多餘之米糧於民生大有裨益著直隸河南山東江南督撫遵照諭旨分別速行辦理務令妥協俾閭閻均沾實惠以副朕格外加恩之至意特諭

雍正十一年五月奉

上諭上年江蘇等處被水之州縣朕已降旨多方賑濟今春又復添賑四十日以加惠窮民茲當徵收錢糧之時其被災稍重之處遙念小民輸課未免艱難著該督撫秉公確查將應行緩徵之州縣奏聞緩徵待至秋成再令完納以紓民力以廣國恩特諭

雍正十一年十二月奉

上諭江蘇雨水稍多收成歉薄著將乙卯年起運漕米截留二十萬石於被水州縣平糶新舊條銀及本年南漕等米緩至來年麥熟開徵仍令動支倉穀分別賑濟欽此又奉

諭旨將本年漕米一半折徵

本年十二月十一日開廠賣賑起至十二年三月二十日止共

賑過大小口二十五萬六百六十一口共用過米七百二十五石五斗八升零紳民助米在內

雍正十二年十二月為欽奉

上諭事被水歉收勘不成灾折給貧民粥米

縣共用米二百二十九石零

戶部為欽奉

上諭事江南清吏司案呈雍正十二年十一月內閣抄出奉上諭今年六月間江蘇地方雨水稍多州縣低窪之地有被

豐縣志

卷首

二

水淹浸收成歉薄者朕心軫念且恐將來米價漸昂不可不預為籌畫著將乙卯年江南起運漕糧截留二十萬石於被水不成灾之州縣量留三四千石俟開春市價增長之時將此平糶以便民用其成灾田地應徵新舊條銀若仍行徵輸小民不無竭蹶著緩至來春麥熟開徵再本年應納南漕等米亦緩至明秋折納所有被灾地方無食乏力之窮民據該督撫等奏稱已動公項酌賞但冬春之際此等民人覓食艱難應動支倉米分別賑濟毋令失所著該督撫悉心辦理并督率有司實力奉行務令均沾恩澤欽此

雍正十三年九月初三日

今上登極恩詔內開

謹錄有關志事者

一各直省儒學無論府州縣衛俱於本年以正貢作恩

貢次貢作歲貢

一各省入學額數大學加七名中學加五名小學加三

名

一各省民欠錢糧係十年以上者著該部查明具奏候

旨豁免

一天下之本農為重各省府州縣衛果有勤於耕種務

本力作者地方官不時加獎以示鼓勵

一年老之人自古所重滿漢八十以上除家奴外作何

給與品級之處該部查議具奏

### 豐縣志

### 卷首

三

一軍民年七十以上者許一丁侍養免其襍派差役八

十以上者給與絹一疋綿一觔米一石肉十觔九十以

上者倍之續經部議合例八十以上生監老人應各准

其八品頂帶榮身

縣籍生監潘鄴書顧龍書郁鳴鑾吳周禎等四人老民徐朝昇顧倫發胡

正元汪鼎先王炳潘程九郁鳴  
工朱璿胡允升吳悌倫等十人

雍正十三年十一月二十一日上

孝敬憲皇后尊謚恩詔內開

一直隸各省婦女年七十以上者給與布一疋米五斗

八十以上者絹一疋米一石九十以上者倍之百歲者

題明 建坊銀兩縣境七十歲以上老婦一千九百

二十二口九十歲以上老婦一  
千九百一十六疋黃絹四百六十疋米折價共銀一千

六十三兩五  
錢按名散給

雍正十三年九月二十二日總理事務王大臣奉

上諭各省民欠錢糧十年以上者已於恩詔內概予豁免其餘未完民欠尚係應徵者朕思纘緒方初惟當繼述我

皇考惠養黎元之至意俾服疇力穡之人均沐恩膏積逋全釋若未蠲之項尙事徵收民間不無煩擾茲特再行降旨於恩詔外將雍正十二年以前各省錢糧實欠在民者一併寬免從前江南積欠錢糧內曾有官侵吏蝕二項乃從民欠中分出者比時差徃大臣官員辦理原不妥協亦著照民欠例寬免此朕仰體

豐縣志

卷首

四

皇考誠求保赤之仁深願吾民厚生正德之意各省軍民人等身受國恩至渥自應感動天良屏除陋習明守法奉公之大義循則壤成賦之常經共爲良民免追呼之擾累倘疲玩性成不知悛改則是吾民中最爲愚頑之人旣無畏威之念亦鮮懷德之心國法具在朕亦不能爲之寬貸也爾等卽交部遵行欽此

雍正十三年十一月二十八日奉

上諭向來州縣徵收錢糧因銀色有傾銷之耗折解送有路途之盤費故於正項之外徵收耗羨原無定額其廉潔者尙知自愛不肖者任意徵求而督撫以至道府等員於中收受節禮陋規互相容隱弊難究詰嗣經巡撫

諾敏田文鏡倡爲提解歸公之法各該督撫就本省情形酌定分數徵收以爲各官養廉及地方公事之用除所定分數外絲毫不許濫徵蓋以耗羨原屬額外之項與其聽地方官私行徵收不如明定分數使有節制不敢違越也然在未提解以前尙爲私項旣提解以後或恐不肖官員視同正課又將於耗羨之外巧取殃民從前

皇考洞見流弊屢降諭旨欲俟將來虧空全清府庫充裕之日漸減漸革

聖心廛念未或忘之朕紹承大統念切民依孜孜軫恤日與王大臣等悉心籌畫期使吾民於正項之外絲毫無擾

## 豐縣志

## 卷首

五

而一時勢有未能尙須從容計議惟是提解耗羨之外行之已十有餘年恐日久弊生姦吏夤緣朘削耗外加耗重困閭閻不可不爲深慮著各該督撫嚴飭有司咸體朕意知耗羨一項可減而決不可增可於額內從寬而斷不可於額外多索倘於所定分數之外或又借估色或又借添戥爲名多取絲毫者該督撫卽行提參重治其罪尙督撫徇隱不舉或經科道糾參定將該督撫等一併嚴加議處再各省耗羨分數率在加一上下然江南賦重之區如蘓松常鎮四府額賦較之他省幾及數倍雍正六年以前每兩加耗僅止五分雍正六年以後增至加一有司又復巧取苛索民何以堪其令江南

督撫詳加酌定量減分數徵收不得仍前重耗困民倘  
敢陽奉陰違朕必於該督撫是問特諭

雍正十三年十二月初八日奉

上諭向來漕項銀兩不在蠲免之例朕前已降旨特行豁  
免以紓民力今查各省尚有帶徵漕米原應如期輸納  
但民間已完現年漕米又完先年畱米未免艱難著該  
部傳諭辦漕各省督撫等將雍正十二年以前未完帶  
徵緩徵本色改折米銀逐一查明奏聞豁免欽此

乾隆元年六月奉

上諭史書詳誌河渠經術兼明水利誠以國計民生所關  
也果使水道疏通脉絡流注陂澤非沮洳之藪隄防有

## 豐縣志

### 卷首

六

蓄洩之方旱潦有備而田廬無虞其有關於閭閻誠非  
淺鮮我

皇考軫念黎元興行水利凡直省泉源河湖莫不濬導俾民  
得以灌溉轉瘠爲腴至於蘇松之太湖吳淞白茆劉河  
歸海要道竝淮揚之槐子烏塔河泰州如皋運河串場  
車路海溝等河尤不惜帑金專員督理各河古道或爲  
豪強侵佔者諭令嚴查清出始得一一開通建插築堤  
按時啓閉使近水田畝均沾膏澤貨船鹽艘進行無阻  
利賴甚溥但自開浚以來已閱數年圩岸不無坍塌沙  
泥不無淤積朕思與其歲久濬築事難費倍不若逐年  
疏濬事易費省著江南總督暨河道總督令管理水利

河務各官及瀆河州縣各於所屬境內相視河流淺阻每歲農隙募夫挑挖定爲章程逐年舉行必令功施可久惠澤民生勿得視爲具文玩誤工作及陽奉陰違絲毫擾累特諭

乾隆四年三月二十一日奉

上諭朕念切民生時廛宵旰或各省督撫陞見或遇司道各員請訓務以編氓疾苦備悉諮詢惟期海隅蒼生培固元氣庶臻家給人足之風比年以來畿輔地方屢遇歉收而江南舊年被旱尤甚此皆朕之不德以致上蒼示警遂使吾民有乏食之虞朕甚閔焉今年幸賴上蒼恩佑各省春雨頗周足資耕種重念三省之民幸有以

豐縣志

卷首

七

安其心而未能復其舊其被旱處所旣已蠲賑頻施日頒諭旨茲當開徵之期在被災者固屬艱難而未被災地同在一省雖有輕重之分而乏食受困則一用是特頒諭旨將直隸所屬今年地丁錢糧蠲免九十萬兩蘇州巡撫所屬今年地丁錢糧蠲免一百萬兩安徽巡撫所屬今年地丁錢糧蠲免六十萬兩該督撫將朕旨家喻戶曉俾閭閻均受實惠庶幾和氣致祥以仰荅上天之恩而培民生之本倘有貪官污吏借端苛索或私行徵收者該督撫不時查奏該部卽遵諭行欽此

乾隆四年五月二十日內閣奉

上諭朕前特降諭旨蠲免直隸本年錢糧九十萬兩江蘇

一百萬兩安徽六十萬兩隨據孫嘉淦具摺請將直隸耗羨一併蠲除朕降旨允行復經陳世倌援照直隸之例請免江南耗羨朕敕交廷議旋據議稱此次蠲免乃係特恩非被災可比例不准免耗羨且江南耗羨節年不敷今若再行蠲豁則地方應用公費益致缺乏應毋庸議朕降旨依議今據那蘇圖等奏稱此次蠲免仍因上年被災地方而施恩澤應請一體蠲除耗羨以廣慈仁等語從前陳世倌條奏時朕以伊身在京師南北相越所奏不過遙度之詞廷議卽引定例覆奏遂降依議之旨今那蘇圖身在地方目睹民間情形亦復如是陳請諒非市美邀名之舉且朕愛養黎元輸將多減一分

豐縣志

卷首

八

閭閻卽多受一分之益著將江蘇安徽二省所蠲正賦之耗羨一體免徵以示格外加恩之意又據直隸布政使范璨奏稱直隸公用不敷河南耗羨現餘銀四十餘萬兩若動撥銀十萬兩以協濟直隸則哀多益寡於公事有裨等語此奏現交部議朕思江南蠲免耗羨之後若官員等養廉不敷則河南多餘之銀亦可通融撥補總之以天下百姓之物仍還之天下百姓一時權宜行之不必過存畛域之見其應撥補若干之處該部定議具奏欽此

乾隆六年九月初二日奉

旨朱綸瀚因各省積貯缺額之米爭購於產米省分以致

米價昂貴奏請截留漕糧鄂彌達議將江廣等六省截留一百萬石以濟積貯九卿議稱天庾關係重大不便輕議截留所議甚是但江蘇安徽浙江三省今歲曾有偏災賑濟需用米穀倉廩自必空虛一時誠難買補而京師倉儲足敷二三年之用尚可略爲變通著將江蘇安徽浙江乾隆壬戌年應解京漕糧共截留八十萬石每省應留若干該部速行定議至三省既有截留自可不往鄰境採買而產米之湖廣江西等省不致昂價亦有裨益矣此朕軫恤民生因時制宜之道各省不得援以爲例欽此

乾隆六年九月初六日奉

豐縣志

卷首

九

上諭各省督撫嗣後凡遇災傷異常之地務親身前往查察應行賑恤着一面奏聞欽此

乾隆七年二月十六日內閣奉

上諭江南廬鳳宿州淮徐等處上年遭值水災黎民乏食朕已屢降諭旨多方賑濟期蘇閭閻之困近聞百姓餬口無資仍不免于流離艱苦蓋由該地方屢年疊遭饑饉督撫等雖照例辦理尙不能淪治普周登之衽席當此春耕之時黎民苟失其所秋成何望用是深爲軫念着刑部侍郎周學健馳驛前往會同總督那蘇圖巡撫陳大受張楷實心體察和衷籌畫務使朝廷德意得以下逮無致一夫失所至于此等地方屢被水患必有致

此之由不可忽視卽如坡塘溝洫之類亦當加意講求使除其害而收其益著周學健一併會同該督撫悉心妥議具奏欽此

乾隆七年三月二十二日奉

上諭各省常平倉穀每年存七糶三原爲出陳易新亦使青黃不接之時民間得以接濟當尋常無事之際自然循例辦理若遭值荒歉穀價昂貴小民難於謀食而仍復存七糶三則閭閻得穀幾何大非國家發粟平糶之本意矣嗣後凡遇歲歉米貴之年着該督撫卽飭地方官多出倉儲減價平糶務期有濟民食毋得拘泥成例着該部卽行文各省督撫知之欽此

豐縣志

卷首

十

乾隆七年六月二十一日內閣奉

上諭各省地方每遇歉收米價昂貴國家動發倉儲減價平糶乃養民之切務然有司經理不善卽滋弊端是以乾隆四年張渠奏請減價糶穀于成熟之年每石照市價減五分子米貴之年每石照市價減一錢蓋欲杜奸民賤糶貴糶囤積網利之弊也朕思尋常出陳易新之際自應照此例行若遇荒歉之歲穀價高昂非減價一錢何以濟窮民之困者是以本年二月間時降諭旨令該督撫等于地方歉收平糶之時酌量情形應減若干之處預行奏聞請旨令朕再四思維地方當饑饉之時黎民乏食朝廷百計區畫方且開倉發粟急圖救濟一

賑再賑以安全之豈有于平糶一節預防奸民之賤糶  
貴糶不爲多減價值而使嗷嗷待哺之窮民仍復艱于  
餬口乎况赴倉糶買官米與赴店糶買市米其難易判  
然又可歷數銀色有高低之不等戩頭有輕重之不同  
道里有遠近之各殊守候有久暫之莫定此在平時且  
然何況年荒乏米之日若官價照市價略爲減少則所  
差幾何是國家徒有平糶之恩而閭閻未受平糶之益  
也朕痾瘵在抱言念及此再行明白宣諭凡各省大小  
官員皆朕設立以牧養斯民者倘于此等要緊政事視  
爲具文苟且塞責則罪不可逭嗣後務將該地方寔在  
情形必須減價若干方與百姓有益之處確切奏聞請

豐縣志

卷首

十一

旨至于奸民當歉收之年圖利囤積將官穀賤糶貴糶  
則惟在州縣官嚴行查拿倘或疎漏隱匿該督撫卽刻  
嚴叅從重治罪是亦並行而不悖也欽此

乾隆十一年八月初十日內閣奉

上諭今年下江之淮徐海上江之鳳潁泗所屬州縣多被  
水灾朕心軫念已命督撫等設法加意賑恤其居民房  
舍被水冲塌之處向例給資修葺七年被灾最重朕于  
定例之外曾加賞銀兩今當積歉之餘百姓計已屬艱  
窘又遭值水患民力自多拮据着將上下江被水之地  
于定例之外照七年之例加賞俾坍塌房屋及時繕葺  
早得甯居該部卽遵諭行欽此欽遵

乾隆十三年欽奉

上諭勅令淮揚徐海等屬積歉并崇邑灾重之區所借銀米各項統于己巳年麥熟後起限分作四年二年帶征以紓民力

乾隆十六年七月初二日內閣奉

上諭浙東温處等郡米價昂貴降旨加意撫綏已據該督撫等前後奏准撥運隣省倉穀陸續平糶并招徠商販特免商稅俾米石流通民食充裕但思窮黎待哺孔殷外來商米雖已雲集而山鄉僻壤市販未必盡敷本地有穀之家或能以任恤爲心出其所餘照官價一體平糶更足以助官糶之所不及雖零星積聚豈能如官倉

豐縣志

卷首

十一

足給衆人之求然隨鄉分糶于民食亦殊有濟在富民推其贏羨嘉惠桑梓孰無此心惟是刁悍乘機或短予價值或冒領告貸甚或倡衆搶奪種種不法遂致富民聞風相戒以爲善不可爲茲特諭各該督撫凡遇地方水旱米價騰湧卽應明切曉諭以天時水旱不齊偶值偏灾無不飛章入告立即隨時籌畫百姓當安分奉法靜候施恩若借端生事轉罹罪愆有負國家加惠至意其能敦任恤而出糧平糶者地方官爲之主持實力稽查遇强橫滋事棍徒速卽嚴行懲處務令奸匪斂迹富民無所顧忌源源出糶則窮黎受惠多矣所有平糶富民計其所糶之數照樂善好施之例優加議叙以示獎

勵該部卽遵諭行欽此

乾隆十六年七月二十九日奉

上諭浙省今年被災較重賑糶諸務需米孔殷現在多方壽畫今隣省商販米船運浙售賣以資接濟但思此等船隻多由江省蘇州等處取道赴浙若因本省現今亦需米石或于沿途採買則運往浙省者必致寥寥今歲兩江雖亦間有偏災較之浙東究屬輕減該省卽有需用亦應通融少待先濟隣封之急督撫爲封疆大吏凡民生緩急理宜視同一體着傳諭該督尹該撫王遇有隣省赴浙商船毋任地方官取便多買并爲浙省助理務令催趲卽速前不得存此疆彼界之私心致垂拯

豐縣志

卷首

十三

灾卹隣之公義欽此

乾隆十六年十月十一日內閣奉

上諭江南安徽屬績溪等二十餘州縣衛江蘇屬江蘇等十餘州縣衛偏灾應賑口糧該督撫等現在分別查辦但定例每米一石折銀一兩較之時價稍有不敷窮黎難于購食着將上下江折賑米石加息每石加給銀二錢以資買糶該部卽遵諭行欽此

乾隆十八年九月十八日奉

上諭江南揚徐各屬被水成災屢經降旨加意撫綏截留漕糧撥運川米以備賑恤又恐撥運過多致各省米貴並令銀米兼賑但照定例又慮災地不敷糶食著加恩

每石增給銀二錢俾災民買食寬裕該部卽遵諭行欽此

乾隆十八年十月二十七日准戶部咨奉

上諭徐州受兌長淮大河二衛漕糧五萬石截留安徽省備賑再前令江西撥往江蘇米十萬石一併就近撥往安徽賑用欽此

乾隆十八年十月二十九日內閣奉

上諭據舒赫德奏上下江辦理賑務微有互異下江按月照三十日全給上江則遇閒曠扣除等語夫按日給賑例應扣除閒曠是上江合例而下江則非但江南此次被災甚重非尋常偏災可比朕心爲之宵旰靡寧其上

豐縣志

卷首

十四

江賑銀着照下江所辦按月全給不必扣除閒曠以示優恤嗣後如有偏災仍照定例辦理該部卽遵行欽此  
乾隆十九年正月初二日內閣奉

上諭江南淮揚徐海及靈虹睢宿一帶地方上年被災甚重經朕降旨截漕撥帑增給賑銀多方籌辦并勅地方官加意撫綏災戶俱已得所其積水漸消之地亦皆次第補種二麥可望有收惟是今年閏月節候較遲麥秋尙早例賑之期已將屆滿窮黎餬口之資更宜預爲區畫著該督撫等就各州縣衛災地重輕查明極次貧戶再行分別加賑一月兩月其毋庸加賑者仍酌量平糶以濟民食一面督率所屬實力查辦一面奏聞該部卽

遵諭行欽此

乾隆十九年正月初十日准戶部咨奉

上諭江南淮揚等屬上年被災賑恤例賑期滿應分別灾地重輕查明極次再行加賑一月兩月欽此

乾隆十九年三月初四日內閣奉

上諭上下兩江上年被水地方經朕多方籌畫加意撫綏但成灾甚重積水消涸先後不齊或尚有未盡耕耨之處今年遇閏麥秋較晚青黃不接爲日更長嗷嗷小民良深廛念着傳諭該督撫等將被災州縣再行詳查應如何再加分別賑糶之處一面奏聞一面酌量辦理俾未盡涸之區得資餬口該部遵諭速行欽此

豐縣志

卷首

十五

乾隆十九年三月十四日准戶部咨奉

上諭上下兩江上年被災地方或有未盡耕耨之處再行詳查應如何分別賑糶一面奏聞一面酌辦欽此

乾隆二十年七月二十七日內閣奉

上諭今年江南淮徐揚等屬間有被水之處已先後降旨令該督撫查明賑恤今續據莊有恭奏大江以南之陽湖江陰靖江金匱溧陽等縣大江以北之江浦六合二縣及淮徐海三府州屬均有續經被水之處雖據該撫稱現在辦理撫恤各屬米價亦尙平減但歉收處所米穀宜早爲籌備着將該省本年漕糧截留十五萬石以資備用該部遵諭速行欽此

乾隆二十年九月初五日內閣奉

上諭淮揚各屬被水成災朕屢降旨加恩撫恤並截漕備賑尹繼善等現經查辦但念該處疊被灾侵民情艱苦着將江蘇省本年應運漕糧再行截留二十萬石爲賑糶之需並著河南巡撫圖爾炳阿撥豫省粟麥二十萬石遴委妥員速行運至徐邳等處就近交收以備賑恤尹繼善等務董率屬員實心辦理以副朕軫恤灾黎之意欽此

乾隆二十年九月二十八日內閣奉

上諭淮揚及江蘇等府屬本年偶被偏灾已屢飭該督撫加意撫綏賑恤截漕撥粟疊次加恩並降旨于例應蠲

豐縣志

卷首

十六

緩外將勘不成灾應征漕糧酌量改收折色以舒民力但恐來歲青黃不接之時糧價漸至昂貴不可不寬裕儲備著將湖廣省本年應運漕糧截留二十萬石江西省本年應運漕糧截留十萬石俱卽委員運赴江蘇分撥收貯以備將來接濟之用其應于何處附近水次州縣交收着該督撫妥協辦理該部遵諭速行欽此

乾隆二十年十月初九日內閣奉

上諭江蘇等各府屬今年被水成灾朕心深爲軫念已屢經降旨截漕撥粟俾賑糶所需務從寬裕其應賑戶口俱令銀米兼賑但該處現在糧價不無稍昂着加恩每米一石加給銀二錢以敷買食至本年應運漕糧除已

截留外現屆開征該省既經被水米色糶粒自當稍減  
所有交倉米石並省不論紅白秬粳地方官酌量可收  
一體准予收兌此等米石兌運抵通卽先行撥放俸餉  
該部遵諭速行欽此

乾隆二十年十一月初八日奉

上諭江蘇被灾各屬現已加恩撫賑而例不給賑之在城  
無業貧民當此歉歲寒冬餬口維艱實堪憫惻除淮揚  
二處業據該鹽政普福奏稱現據商捐賚賑外其餘被  
灾各屬交與尹繼善莊有恭分別灾地重輕在于各城  
該設廠賚賑所需米石照乾隆十八十九兩年之例于  
截漕項下不給丁伍米內動支該督撫等其董率屬員

豐縣志

卷首

十七

加意經理務俾窮黎均沾實惠該部遵諭速行欽此

乾隆二十年十二月初五日內閣奉

上諭各省年歲豐歉不齊全賴商販流通有無貿遷以資  
接濟向來地方官懷私邀譽罔顧大體雖有遏糴之禁  
而陽奉陰違者仍復不免今年江浙所屬偶被偏災本  
地米糧既少勢必藉資鄰省誠恐不肖有司昧救災恤  
鄰之義阻遏糴販市價益藉以居奇地棍因而滋事則  
被災之民倍覺拮据著傳諭四川湖廣江西河南山東  
各督撫等嚴飭屬吏遍行曉諭凡有商販米船不拘大  
小多寡聽其裝載流通不得遏糴如有地方無賴棍徒  
借端撓阻者卽行嚴拿治罪該督撫等務宜實力奉行

以副朕一視同仁之意欽此

乾隆二十年十二月十六日內閣奉

上諭地方被災米貴所賴商販流通接濟是以向來嚴禁  
遏糴前復諄切訓諭封疆大吏宜以救患卹災爲心豈  
可妄分畛域富勒赫署理河道事務修防事宜是其端  
責于民間災賑本非所知乃竟出諭禁止販運雖邀准  
屬一隅感頌而罔顧他郡之嗷嗷殊屬糊塗不知政體  
着交部嚴察議奏莊有恭摺并發欽此

乾隆二十年十二月二十五日奉

上諭今年江蘇州縣偏災較重屢經降旨令該督撫加意  
撫恤其各屬殷實紳士樂善好施捐米賚賑者所在多

豐縣志

卷首

十八

有桑梓情殷克敦任恤之誼甚屬可嘉着該督撫等查  
明實數分別具題照例議叙嘉獎以示鼓勵該部卽遵  
諭行欽此

乾隆二十一年正月初二日內閣奉

上諭江浙兩省上年俱有被災州縣屢經降旨該督撫加  
意撫綏並截留漕米多方賑恤但念將來青黃不接之  
時尚需平糶接濟以資口食湖廣素爲產米之區江西  
倉糧亦尙充裕着令江西湖南二省各撥米十萬石運  
交江蘇湖北省撥米十萬石運交浙江以備平糶之用  
各該督撫務董率屬員善爲經理毋令市價增昂俾窮  
黎均沾實惠該部卽遵諭行欽此

乾隆二十一年正月十五日內閣奉

上諭上年上下兩江被灾各屬屢經降旨截漕撥恤撫賑兼施但念麥收之期爲時尚遠當此青黃不接之候小民餬口維艱殊堪憫惻着加恩將被灾最重次重之州縣極貧各加賑三個月次貧各加賑兩個月被灾較輕等處極貧各加賑兩個月次貧各加賑一個月各衛軍隨坐落州縣一體加給其勘不成災例無賑恤之吳江等州縣并酌借口糧一月以資接濟于秋收後免息催還所需賑糧酌量倉貯多寡銀米兼放折賑銀兩仍照加增之數折給該督撫其詳咨查明分別輕重督率屬員善爲經理務俾災黎均沾實惠該部卽遵諭速行欽

豐縣志

卷首

十九

此

乾隆二十二年正月初三日內閣抄出奉

上諭上年江南淮徐海等屬被水偏灾業經加恩賑恤但念該處連年積歉現屆停賑之期而東作方興麥秋尙遠閭閻口食未免拮据着再加恩將下江被灾較重之清河桃源銅山蕭縣沛縣邳州宿遷睢寧海州沭陽徐州大河等十二州縣衛極貧加賑三個月次貧加賑兩個月被灾較輕之安東豐縣碭山三縣同上江被灾之宿州靈璧虹縣長淮等四縣衛極貧加賑兩個月次貧加賑一個月其貧生灾軍兵屬各隨坐落州縣一體加賑以資接濟該督撫等其董率屬員妥協經理無遺無

溢以負朕軫恤災黎之意該部卽遵諭行欽此

乾隆二十二年二月初二日內閣奉

上諭上年江南之淮徐海等屬被水偏災除照例賑恤外復經降旨分別被災輕重加賑一二三月以資接濟今朕翠華南幸體訪民情而災地貧黎尤深軫念着再加恩將下江被災之清河桃源銅山蕭縣沛縣邳州宿遷睢甯海州沭陽徐州大河等十二州縣衛及安東豐縣二縣同上江被災之宿州靈璧虹縣長淮等四縣衛母論極貧次貧俱各加賑一個月以普惠澤該督撫等其董率屬員妥協經理慰朕懷保至意該部卽遵諭行欽此

豐縣志

卷首

二十

乾隆二十二年四月初四日內閣奉

上諭江南淮徐海等屬受水患有年矣朕翠華南蒞周覽土風所過桃源宿遷邳州睢甯諸州縣鶉衣鵠面相望於道而徐屬較甚朕心爲之惄然增戚國家所恃以拯患卹災者惟賑濟一事現在徐屬七州縣已降旨加展賑期可至五月並截留本處漕糧以資借糶所以爲斯民計者不遺餘力而目擊情形於心實有所不忍所見如此未見者亦復可知着再加恩將淮徐海三屬各州縣所有積年借欠籽種口糧不分新舊概予豁免以痾瘼一體之念惟是恩澤所施非得賢守令實力奉行無由下究况在積歉之區尤資良牧必得慈祥公正寔

心任事之人以父母斯民爲己責竭力區畫經營撫循  
培養庶幾日有起色若任其因循闡茸漠不關情假手  
胥吏視爲故事年復一年積疲重困即使厚費帑金蒼  
生何能免溝壑流離之慘是以此方州縣視他處更重  
該督撫當慎加遴選務得有猷有爲悃愾愛民者以膺  
斯任仍時時留心體察有暇卽親行諮詢使窮鄉僻壤  
民隱畢達守令賢否自不能掩惟期於地方有益該督  
撫其善體朕懷母僅以簿書期會爲課吏先務也其數  
府現任守令各官着該督撫各出考語具摺奏聞或有  
如所諭賢明之吏宜留任者或有不能勝此而可以調  
他處事簡者其悉心詳酌一二年後朕將親臨考察若

豐縣志

卷首

二十一

仍入其疆而田野不治則非守令之罪將督撫是問矣  
着將此通行曉諭知之欽此

乾隆二十二年四月初六日內閣奉

上諭徐州等府屬州縣疊被水災業經蠲賑兼施并截留  
徐州本處漕糧以供借糶昨車駕幸臨又復將所有借  
欠籽種口糧不分新舊槩予豁免凡以曲體並施奠于  
灾黎少濟今思該處倉儲未裕不可不預籌着再將本  
年現運漕糧截留五萬石存貯徐州等府以備不時之  
需其上江之鳳陽等屬頻年被裨小民難于謀食并着  
截留漕米五萬石撥運鳳陽等處備用其酌截何帮漕  
船并如何分別收貯之處着該督撫等悉心區畫一面

辦理一面奏聞該部卽遵諭行欽此

乾隆二十二年五月初三日准吏部咨欽奉

上諭准徐海三屬積年借欠籽種口糧不分新舊槩子豁免其數府現任守令官着各出考語具摺奏聞或有賢明之吏宜留任者或有不勝此可調他處事簡者悉心詳酌欽此

乾隆二十二年七月十三日內閣奉

上諭吉慶奏請勅下直省督撫籌補常平倉谷一摺所稱州縣視爲畏途因循延諉而地方大吏又不悉心辦理之處此種弊病現在各省實皆有之地方水旱不齊國家所藉以撫恤災黎所待以仰給者惟倉儲是賴一有

豐縣志

卷首

二十一

缺額自應亟爲籌補然籌補之法不待更立章程惟在督撫實心整飭而已前因各省爭議採買一時米糧翔湧是以欵立定額邇年以來市價不致過昂此其效也然額定而缺者不補則緩急其奚恃焉督撫身任封疆民瘼所關自當詳加覺察時時留意此分所當爲豈可因循玩視而不爲先事計耶截漕自出特恩原不爲例非可屢邀也可將此通行傳諭各督撫知之吉慶摺併發欽此

乾隆二十二年十月二十日內閣奉

上諭上江之鳳穎等屬大工同時並舉應募夫役買食者衆恐一時米價昂貴着將截留江蘇漕米二十萬石內

酌撥五萬石分濟上江各要工處所接濟平糶該部卽遵諭行欽此

乾隆二十三年正月初四日內閣奉

上諭上年兩江災地業經截漕蠲緩賑借兼施恩膏疊沛矣但賑竣後距麥收之期尙遠貧民難以支持朕心深爲惻然着將下江被災最重之清河桃源銅山沛縣邳州宿遷睢寧海州沭陽等九州縣極貧各加賑三個月次貧各加賑兩個月其次重之豐縣蕭縣贛榆及山陽安東高郵興化寶應碭山九州縣并上江之宿州靈璧虹縣鳳臺懷遠鳳陽太和泗州盱眙五河等十州縣極貧各加賑兩個月次貧各加賑一個月又下江被災較

豐縣志

卷首

二十三

輕之甘泉阜甯二縣上江之壽州阜陽潁上亳州蒙城等五州縣無論極次各加賑一個月所需賑糧酌倉貯多寡銀米兼放折賑銀兩的照加增之數折給該督撫務督率屬員實心妥辦使災民均沾實惠以副朕軫念黎元至意欽此

乾隆二十三年戶部咨欽奉

上諭上年被災最重之清河桃源銅山沛縣邳州宿遷睢寧海州沭陽等九州縣極貧各加賑三個月次貧加賑兩個月其次重之豐縣蕭縣贛榆山陽安東高郵興化寶應碭山九州縣極貧加賑兩個月次貧加賑一個月至被災較輕之甘泉阜甯二縣無論極次加賑一個月

所需賑糧銀米兼放折賑銀兩仍照加增之數折給欽此

乾隆二十三年九月三十日內閣奉

上諭江南山東河南等省河道工程全行告竣卽據各督撫等奏報年穀順成秋收多在八九分以上朕深爲窮簷誌慶顧該處有向來積潦已久如山東之濟甯魚臺各州縣江南之徐州鳳陽所屬河南之歸德陳州所屬濱河地畝荒廢頗多今已逐經涸出正應及早懇種其或尚有未經涸出者更宜加意設法疏洩及時補種以收地利乘此民力稍裕之時地方有司多方勸諭務使野無曠土方爲無忝厥職至其中或有實在窮民秋成所獲僅資口食而牛具籽種不能接濟者著該督撫等確切查明卽行請旨借給期於東作有資西成共慶以副朕軫念黎元至意該部卽遵諭行欽此

